

Date – 20/11/2025

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. Chief Minister Pu Lalduhoman state Assembly thu pass tawh siamthat huamin Mizoram State University chu Lungleiah dah a ni ang a ti.
2. UD & PA Minister Pu K. Sapdangan Mizorama traffic kalphung mawi leh felfai avanga rampum huap lawmman an dawn lawm nan aktuk hian Aizawl bikah City Bus chuan man chanve chu sorkarin a tum dawn a ti.
3. Minister Pu Lalthansangan vawiin khan Kolasib, Lunglei leh Mamit a Warehouse 6 sak thar chu a rual in a hawng.
4. Janata Dal (United) hotupa Nitish Kumar chu vawiin khan a tum 10 nan Bihar Chief Minister atan lakluh a ni.



CM

Chief Minister Pu Lalduhoman Mizoram State University (MSU) chu Lungleiah dah a ni ang a ti.

(BYTE)

Vawiin khan Chief Minister ho hian Lunglei High Powered Committee (HPC) an thukhawm a, hemi hnua HPC Confe. Hall a Press thuthar thehdarhtute a kawmnaah an thutlukna hi a puang a, Lunglei a ZPM MLA rual ten Lungleiah awm se ti a nataka an nawr vangin Lungleiah dah a ni ang a ti a, State University hi Central lamin nei tur in a nawr a nawr zawk a, a din nan kum 15 hun a pe a, Sorkar hmasa khan lo ngaihtuah tawhin Aizawl a dah turin Mizoram State University Bill an lo siam tawh a, chu chu ZPM a sorkar chuan a bawhzui nghal a, Aizawl Luangmualah awm turin kumin March ni 4 khan Assembly Session-ah an pass tawh a, siamthar leh a ngai dawn a, nakum Budget session-ah pass in, dan ang thlap in an kalpui ang a ti.

Chief Minister chuan a hmun tur ram, a thlawn a pek ngai a ni a, pe thei tur te lo dap turin HPC kutah dah a ni ang a, kum 10 chhung a an in tifel thei anih chuan a lawmawm hle ang a ti. He University a thawk tur hian Post 71 siam tawh a nih thu a sawi a, tunah hian post 21 fill-up phalna pek tawh a ni a ti bawk.

Hetihrial hian Mizoram Engineering College, Lunglei Pukpui a mi pawh nakum atanga Class tan thei tur a ruahman a ni tih sawiin Post 63 siam tawh a ni a, a

dang Post 21 siam leh a ni dawn tih sawiin a panna tur kawng sial nan cheng Nuai 94.51 sanction fel tawh a ni a ti. ATL Road pawh tunah hian siam that tan anih thu leh pawisa pawh dah fel vek tawh a ni a ti.

Hemi hmaa Lunglei HPC Meetingah Vice Chairman, Pu V. Malsawmtluanga, MLA chuan tun tum hi Chief Minister-in an hmunhma ngeia HPC te meeting aneihpui tum khatna a ni a. Lungleiah a tum khatna atan Council of Ministers meeting a nghat tawh bawk a. Lunglei khawpui a ngaihsakzia a takin an hmu chho zel a, a chungah an lawm hle a ni, a ti.

<><><>

PWD MINISTER

Chief Minister Pu Lalduhoman PWD Minister pui turin MLA pahnih ruat an nihna chhan chu thawh tur a tam vang a ni a ti

Vawiina Lungleia thuthar lakhawmtute a kawmnaah Press mite zawhna chhangin Chief Minister chuan PWD Minister hian hna a ngah a, thawh tur a tam bawk si a, mipui in thawk vut vut turin an beisei bawk si hei vang hian puitu thuneitu lian tak an nei a ni.

Mizorama kawngpui National Highway hrang hrang siamtu NHIDCL ten kawngpui an siam chungchangah Mizoram Sorkar in thuneihna a nei vaklo tih a sawi a, a thawktu te lo vil a ni mai a, an hotu te erawh an duh zawng an ko chhuak ve thei tih sawiin Executive Director thar pawh an duhthlan ngei anih thu a sawi.

FCAA chungchang tangkaina sawiin tunhma a Forest clearance a buaina thin chu pumpelhin tunah hian kawngpui 7 laih phalna an hmu tawh tih a sawi bawk.

<><><>

UD&PA MINISTER

Urban Development and Poverty Allevation Minister, Pu K. Sapdanga chuan tunhnaia khawpui chhunga lirthei chet vel dan felfai tak leh traffic dan zawm kawng a lawmman Mizoram a dawn avangin naktuk hian Aizawl bikah City Bus chuan man chanve chu sorkarin a tum dawn a ti.

He thu hi vawiin khan a pisa ah chanchinbu mite lengah sawmin a sawi a, Pu K. Sapdanga chuan Mizoram lawmman lak chu mi tinte thuawih zar a nih thu leh sorkar dan zam mi tinin an ngaih pawimawh vang a nih thu a sawi a, Mizoram a lirthei chet vel dan kawngah Zo nun ze mawi a taka a lan thu a sawi a ni.

Pu K. Sapdanga chuan khawpui chhunga lirthei che vel enkawltu ber chu Traffic Police-an nih thu leh Mizoram lawmman dawn chu mipuite thuawihna zar a nih bakah Traffic Police-te zar a ni tih an hriat reng thu sawiin naktuk hian Mizoram sorkar chuan Aizawl a Traffic Police duty te chhun chaw a tum tur thu a sawi bawk.

Byte of Pu K. Sapdanga.....

Vawiina a pisa a chanchinbu mite a kawmnaah Pu K. Sapdanga chuan kuhva ro tawlh ruk chungchang pawh sawiin hemi kawngah hian Mizoram Police bakah ramri hrul a awm khua a tlawmngai pawlte inpekna a thuk thin hle a ti a, Kuhva

tawlh ruk leh ruihhlo tawlh ruk chu a pahniha thli thlai reng a nih thu leh Kuhva tawlh ru tuten JCB hmanga kawng an sial ruk pawh an umzui zel thu a sawi bawh.



MHIP

Mizo Hmeichhe Insuihkhawm Pawl (MHIP) Special Asembly vawiina Aizawl Vanapa Hall-a neih chu Social Welfare Minister Pi Lalrinpuiin a hmanpui.

Minister Pi Lalrinpuii chuan thusawiin Mizoram State Social Welfare Advisory Board din a nih atangin leh MHIP a lo pian atang khan hmeichhiate dinhmun chawikanna kawngah Mizoram hma a sawn nasa hle a ti a. October 17 khan Geneva-a Widows Rights International buatsaih seminar-ah guest speaker-ah tangin tun hmaa Mizo hmeichhia leh hmeithaite dinhmun chhiatzia leh tun hnu a an dinhmun a that chhoh zel dante thawnthu angin a sawi thu a tarlang a. Tun hma anga ei rawngbawl leh inchhung sekrek khawih chu hmeichhe hna bika ngaihate bo tial tialin tunah chuan bazara sumdawnna hrang hrangah leh sawrkar office hrang hrangahte hmeichhia an tam tawh em em a, mizo hmeichhiate hmasawna hmun tina hmuh tur a awm ta hi thil lawmawm tak a nih thu a sawi.

Minister chuan mizo hmeichhiate chu an dinhmun a san chhoh zel rualin an mawhphurhna pawh a sang chho ve zel a ni a ti a. Ruihhlo laka an tu leh fate an filhim theih nan leh hnam a than len zel theih nan hmeichhiate pawimawhzia sawiin, ‘Chhungkuaa letleh’ (tih thupuaia hmanga, fa puitling leh hmantlak chherchhuak turin, chhungkaw enkawl kawngah tan la thar theuh turin a fuih a. MHIP chu hmeichhe chanhai leh riangvaite tana inngahna tlak, rahbi tleute tana leirem an rah chho theihna tura puitu leh chhawmdawltu ni zel turin a chah a; an pawla politics la lut lova, MHIP chu pawl thianglim leh mawi tak ni zel tura duhsakna hlanin, ngun taka ngaihtuahna senga rorel turin duhsakna a hlan a ni.

MHIP Special Assembly ah hian State Legal Services Authority atangin mipui vantlang tana hriat makmawh dan lam thil inzirtirna hun hman a ni a. Hun hnihnaah MHIP chuan rorel inkhawm an hmang chhunzawm nghal a ni.



WAREHOUSE

Land Resources, Soil & Water Conservation Minister Pu Lalthansangan vawiin khan Kolasib District chhunga Saipum ah kuthnathawktute hmunphiah thar dahkhawmna tur Broom Warehouse cum Collection Centre, Site Office & Dry Yard bakah Kolasib, Lunglei leh Mamit Kolasib District ami Warehouse 6 sak thar chu a rual in a hawng.

Warehouse hi Hmunphiah thatna District pathum Lunglei District a Tiperaghat leh Marpara South ah te, Kolasib District a Saipum leh Vairengte ah leh Mamit District a Pukzing leh Marpara ah te sak a ni a. Warehouse 6 sak nan hian NABARD hnuai a RIDF atangin cheng nuai 800 leh Sang riat hmuh a ni.

Minister Pu Lalthansanga chuan, Warehouse hi kumin a zawh hman turin chak taka hmalak a ni, a ti a, an sorkar chuan hmasawna thawh bul an tan chho mek a ti a. 4 lane lo lut tur sorkar hmasa huna hna thawh theih loh a awm reng leh buaina hrang hrang awm vang a hmalak theih loh chu an sorkar chuan tawngtaina nen theihtawp in Central lam an nawr a, a tawp ah chuan India rama hmasa ber ni turin Forest Deptt. leh Land Owners te a double a Compensation pek an ni thei a, hetiang hi hmun dang ah thleng ngailo a ni, a ti.

Minister chuan, kawng siamtu NHIDCL hotute sorkar hmasa ah an in luling viau nge, hma an la chak lo hle a, an sorkar ah chuan a hma anga in lu-lin tum mahse an inluling ngam lo a, General Manager thar ngenin tun ah hian General Manager thar nen kawng siam hna November ni 1 atanga thawh tan a ni a ti.

He hunah hian khualzaawm Assembly Dy Speaker Pu Lalfamkima pawhin thu sawiin kuthnathawktute chuan an warehouse hawn thar chu tangkai taka hmang a, dah tawl mai mai lo tur leh taimak chhuah a, Hmunphiah dah tur awm reng tura enkawl a duh thu a sawi a. Hmunphiah dah thatna tur a awm chuan a rate thlengin a danglam theih a beisei thu leh ZPM kaihhruai sorkar hun reilote chung in hmasawna tam tak hmuh tur a awm thu a sawi.

He hunah hian Kolasib District chhunga sorkar mi pawimawh leh sawm bik te atangin mi thahnem tak an tel a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

MIZO FILMMAKER NAPOLEAN RZ THANGA

International Film Festival of India vawi 56-na Goa a neih ah Aizawl Mission Venga cheng Napoleon RZ Thanga chu Film endiktu zingah a tel.

56th International Film Festival of India 2025 hi vawin hian tan a ni a, ni 28 thleng neih a ni dawn a. He huna film chhuah tur endik leh thlanchhuah hna thawk turin, India rama film lam mithiam mi 13 ruat niin Pu. Napoleon-a hi a tel a ni.

October thla chhung khan Mumbai a NDFC hmunah Feature film 450 atangin film 30 IFFI a chhuah tur an thlan chhuah leh endik hna hi India Panorama Jury te hian an thawk dawn a ni.

Panorama endik turah hian tun tum hi Mizo an tel vawikhatna a ni a, Napoleon-a hi Documentary film lama sulhnu nei tha tak niin lawmman te pawh a lo dawng tawh a, a film siam leh documentary pawh Film Festival ah tihchhuah a lo ni tawh thin a ni.

Napoleon RZ Thanga sawi danin Mizote ah Film lama hmasawn duhna a thleng chho mek a, thalaite an tui chho tan a ti a, Film lamah pawh lawmman la thei

chi siam lama hmasawn an la ngai tih sawiin hemi kawngah hian thalaite hma an sawn a ngaih thu a sawi.

BYTE

International Film Festival of India (IFFI 2025) vawi 56-na hi vawiin tlai khan Goa khawpui Panaji ah tan a ni a. Union Minister of State for Information and Broadcasting, Dr L Murugan chuan he hunah hian WAVES Film Bazaar a hawng bawk a ni. Dr. Murugan hi Union Information and Broadcasting Secretary Sanjay Jaju chuan a tawiawm a. Hei bakah hian lemchan thiam hmingthang Balakrishna leh Anupam Kher te pawh an tel a ni. IFFI 2025 ah hian khawvel huapa cinema lama mi hmingtha leh mi thiam tak takte an fuankhawm dawn a. Ram 81 atangin film 240 chuang chhuah a ni ang a. Kuminah hian Japan ram chu thlur bik tur ram "Country of Focus" ah puan a ni.



IFFI

International Film Festival of India (IFFI 2025) vawi 56-na chu vawiin tlai khan Goa khawpui Panaji ah tan a ni a. Union Minister of State for Information and Broadcasting, Dr L Murugan chuan he hunah hian WAVES Film Bazaar a hawng bawk a ni. Dr. Murugan hi Union Information and Broadcasting Secretary Sanjay Jaju chuan a tawiawm a. Hei bakah hian lemchan thiam hmingthang Balakrishna leh Anupam Kher te pawh an tel a ni. IFFI 2025 ah hian khawvel huapa cinema lama mi hmingtha leh mi thiam tak takte an fuankhawm dawn a. Ram 81 atangin film 240 chuang chhuah a ni ang a. Kuminah hian Japan ram chu thlur bik tur ram "Country of Focus" ah puan a ni.



BIHAR

Janata Dal (United) hotupa Nitish Kumar chu vawiin khan a tum 10 nan Bihar Chief Minister atan lakluh a ni.

(Byte)

Bihar Governor Arif Mohammed Khan chuan Chief Minister hi rintawmna thu tiam tirin a lalut a. Patna-a Gandhi Maidan-a Chief Minister lakluh inkhawmah hian Prime Minister Narendra Modi, Union Ministers Amit Shah, J P Nadda, Chirag Paswan leh NDA hraitu thahnem tak an tel a. Chief Minister Kumar-a rual hian Cabinet Minister 27 lakluh tel an ni a. BJP hraitu Samrat Choudhary, Vijay Kumar Sinha, Dilip Jaiswal, Mangal Pandey, Nitin Nabin, leh Ram Kripal Yadav, te chu Minister atan lakluh an ni a. Heng bakah hian JD(U) atangin Leshi Singh, Shrowan Kumar, Bijendra Prasad Yadav, Zama Khan leh Ashok Chaudhary te pawh cabinet minister atan lakluh zingah an tel a ni. Nimina NDA legislature Party thukhawm chuan Nitish Kumar hi an leader atan an thlang a ni.

Puan tawh angin NDA hian Bihar Assembly inthlan neih zawh takah khan hneh taka chakna changin seat 243 ah 202 an la a. BJP leader Samrat Choudhary chu BJP Legislature party leader atan thlan a ni a. Vijay Sinha chu deputy leader atan thlan a ni bawk.

